

आकाशवाणी

- चुनाव आयोग नै बिहार चुना प्रचार दौरान ए.आई. ते Synthetic तकनीक कन्नै प्रचार बारे नमें दिशा-निर्देश जारी कीते न।
- चुनाव आयोग नै राज्यें ते केन्द्र शासित प्रदेशें दे मुख् चुनाव आयुक्तें गी सब्भनै मतदान केन्द्रें पर लोड़चदी स्थूलत गी यकीनी बनाने लेई निर्देश दिते न।
- **छठ पूजा** दे 4 दिन चलने आले उत्सव देश दे बकख-बकख हिस्सें च अज्ज शुरु होआ रदे न, प्रधानमंत्री होरें लोकें गी आखेया ऐ जे पूजा आहले गीत उन्दे कन्नै शेयर करन।
- भारतीय रेल नै **देयाली** ते **छठ पूजा** दे मद्देनजर 6 हजार शा बद्ध विशेष रेलगड्डियें दी मंजूरी दिती दी ऐ।
- केन्द्र सरकार नै NPS ते UPS पेंशन स्कीमे तैहत औने आले अपने कर्मचारियें गी LC 75 ते BLC निविशे विकल्प चुनने दी समें-सीमा बदाने गी मंजूरी दिती।
- FATE नै पाकिस्तान गी खबरदार कीता ऐ जे Grey List थमां उस्सी कड्डी देने दा एह मतलब नैई ऐ जे उस्सी आतंकवाद प्रायोजित करने ते धनराशी दा हेर-फेर करने दी छूट थोई गेदी ऐ।
- भारत ते आस्ट्रेलिया बश्कार Sydney क्रिकेट मैदान च अज्ज त्रिया ते अखीरला इक दिवसीय मैच खेडेया जा रदा ऐ।

EC Advisory

चुनां आयोग नै राजनीतिक दलें मेदवारें ते प्रचार करने आहलें गी चुनां दौरान Synthetic तरीके कन्नै मिली दी जानकारी ते AI कन्नै बनाए गेदे Contents गी जम्मेवार तरीके कन्नै इस्तेमाल करने लेई आखेया। इसदे इलावा इस चाली दी सामग्री Metadata जां Caption च इकाई दा नां ते जेहड़ी इसदे बनाने आस्तै जिम्मेवार ऐ दा प्रमुख रूप कन्नै लिखेदा होना चाहिदा ऐ। आयोग नै कुसै बी सामग्री गी प्रकाशत करने जा अग्गे भेजने, जेहड़ी गैर कनूनी ऐ ते उंदी सहमति दे बगैर कुसै बी व्यक्ति दी पंछान, रूप-रंग जां आवाज गी गलत तरीके कन्नै पेश करदी ऐ ते मतदाताएं गी गुमराह करने जा धोखा देने दे इरादे कन्नै बनाई गेदी ऐ। उसदे पर रोक लाने दा आहवान कीता।



EC Voter Assistance

चुनां आयोग नै राज्य ते केन्द्र शासत प्रदेश दे मुख चुनां अधिकारियें गी निर्देश दिता ऐ जे ओ हर मतदान केन्द्र च मतदान आहले दिन हर सुविधा उपलब्ध करोआन तां जे मतदाताएं गी हर चाल्ली दी मदद थोई सकै। अगले महीने 6 ते 11 नवम्बर गी बिहार च विधान सभा चुनां होने आहले न ते 7 राज्यें च उपचुनां 11 नवम्हक दी होगंन। उपलब्ध करोआने आहली सुविधाएं च पीने दा पानी, वेटिंग शेड, शौचालय, पर्याप्त रोशनी, Ramp Sign Board जनेही सुविधां शामिल न।



Chhath Puja

छठ पूजा दो-चार दिन चलने आला उत्सव अज्ज थमां देश दे बक्ख-बक्ख हिस्सें च शुरु होआ रदा ऐ। **छठ पूजा** उत्सव सूर्य नारायण ते उंदी बहन छठी मैया दी पूजा गी समर्पित ऐ ते मनुक्खता ते परिवार दी भलाई-बेहतरी आस्तै प्रार्थना करने पर आधारित ऐ। प्रधानमंत्री नरेन्द्र मोदी होरें लोकें गी आखेया ऐ जे **छठ पूजा** कन्ने सम्बंधित गीते गी शेयर करन ते औने आलें दिनें च प्रधानमंत्री होर इनें गीते गी पोस्ट करगंन। प्रधानमंत्री होरें सोशल मीडिया राएं आखेया जे बिहार ते देश दे होरनें हिस्सें च **छठ पूजा** गी मनाने दी तयारियें च श्रद्धालू अगगै गै रुज्जे दे न।



Delhi Rain Pollution

राष्ट्री राजधानी च वायु प्रदूषण गी रोकने लेई दिल्ली च इस महीने दी 28 थमां 30 बश्कार Cloud Seeding दे राएं पैहली Artificial Rain कराई गई। दिल्ली दी मुखमंत्री रेखा गुप्ता होरें आखेया ऐ इसदे लेई सारी तयारियां पूरी होई गेइयां न ते एह राष्ट्र राजधानी आस्तै प्रदूषण दे खलाफ लड़ाई च इक तकनीकी मील दा पत्थर साबत होग। दिल्ली दे पर्यावरण मंत्री मंजिंदर सिंह सिरसा होरें आखेया ऐ जे इसदे लेई हवाई जहाज थमां लेइयै मौसम ते पर्यावरण दी नगरानी तक्कर दे सारे सिस्टम कायम न।



Special Trains

रेल मंत्रालय नै देयाली ते छठ पूजा दी तयारिये दे मददेनजर यात्रिये दी सहूलत लेई 6 हजार शा मती स्पेशल ट्रेनां चलाने लेई मंजूरी दिती ऐ। अज्जै थमां शुरु होने आहले त्रे दिन दरान त्योहार दी भीड़ गी दिक्खदे होई 900 शा मती स्पेशल रेल गड़डियां चलगंन। मंत्रालय नै आखेया जे बिहार च तकरीबन 30 स्टेशनें च अतिरिक्त टिकट काउंडर, CCTV कैमरे ते यात्रिये लेई बाकी इंतजाम कीते गेदे न तां जे त्योहार दरान कोई असुविधा नैई होई सकै। पटना, मुजफ्फरपुर, दरभंगा ते गया च यात्रुएं गी कुसै बी सेहत सरबंधी स्थिति गी दूर करने लेई मैडिकल बूथ लाए गेदे न।



Govt. BLC Investment

केन्द्र सरकार नै NPS ते UPS पेंशन स्कीमें तैहत औने आहलें केन्द्रीय कर्मचारिये गी LC75 ते BLC निवेश विकल्प चुनने आस्तै समे-सीमा गी होर बदाने गी मंजूरी दिती ऐ। एह फैसला केन्द्री कर्मचारिये दी मंग पर लैता गया ऐ तां जे उनेंगी बी गैर सरकारी कर्मिये आंगर निवेश दे विकल्प थोई सकन। इनें विकल्पे कन्ने केन्द्रीय कर्मचारिये गी सेवा-निवृति मगरा दे जीवन आस्तै योजना तयार करने ते अपनी मर्जी मूजब पेंशन दी स्कीमें गी बरतने दी सुविधा थोई जाग। NPS ते UPS तैहत हून केन्द्रीय कर्मचारी, निवेश दे बक्ख-बक्ख विकल्पे गी चुनी सकगंन।



FATF Pak

Financial Action Task Force नै पाकिस्तान गी खबरदार कीता ऐ जे अक्टूबर 2022 च उसी ग्रे-लिस्ट थमां कड्डने दा मतलब एह नैई ऐ जे उस्सी आतंकवाद गी प्रायोजित करने ते धन-राशी दा हेर-फेर करने दी छूट थोई गेदी ऐ। FATF दीयां प्रधान Elisa de Anda Madrazo होरें फ्रांस च इक पत्रकार सम्मेलन च आखेया जे पाकिस्तान सनें होरनें देशें गी अपराधें पर रोकथाम करने आले उपाएं गी अमल च आनना होग। एह ब्यान आतंकवादी संगठन जैशे-मोहम्मद आस्सेया आतंकवादी कैम्पें गी डिजिटल माध्यम कन्नै धन-राशी उपलब्ध कराने दी रिपोर्ट मगरा आया ऐ। उनें आखेया जे ग्रे-लिस्ट थमां बाहर औने आले देशें गी अपराध, धन-राशी दा हेर-फेर ते आतंकवाद प्रायोजित करने गी रोकना होग।

<><><><><><>

ODI Cricket

मर्दे दे क्रिकेट च भारत ते आस्ट्रेलिया बश्कार इक दिवसीय मैचें दी सीरिज दा त्रीया ते खीरी मैच अज्ज सिडनी क्रिकेट ग्राउंड च खेडेया जाग। एह मैच भारतीय समें मताबक बड्डलै 9 बजे शुरु होई गया ऐ । एडिलेड ओवल च खेड्डे गेदे मैच 2 विकटें कन्नै हारी गया हा, जेहदे कन्नै मेजबान टीम यानि आस्ट्रेलिया इस सीरिज च 2-0 कन्नै अगड़ी होई गई ऐ।

<><><><><><>

Women Wrestling

भारतीय महिला पैहलवान हंसिका लांबा ते सारिका मलिक सरबिया च होआ रदे Under -23 world Wrestling Championship दे फाईनल च पुज्जी गेइयां न ते अज्ज ओह सुन्ने दे तगमे लेई अपने प्रतिद्विंदी जापान कन्नै मकाबला करगंन। भारतीय महिला पैहलवानें अपने-अपने वजन वर्गे च 5 केंह दे तगमें हासल कीते न। एह तगमें Nishu होरें 55 Kg., नेहा शर्मा होरें 57 KG, पुलकित होरें 65 Kg, Shrishti नै 68 Kg. ते Priya नै 76 Kg. Category च जिते न।

<><><><><><><><>

Afgan Govt. –Dams

अफगानिस्तान दी तालिबान दे नेतृत्व सरकार नै कुनार नदी पर डैम दा निर्माण कम्म शुरु करने दी योजना दी घोषणा कीती ऐ। अफगानिस्तान ते पाकिस्तान बश्कार सीमा पर हाल च होए दे टाकरे मगरा एह घोषणा कीती गेई ऐ। कुनार इक प्रमुख नदी ऐ जेहड़ी पाकिस्तान दे पश्चिमोत्तर प्रांत च दाखल हुंदी ऐ। इस फैसले कन्नै पाकिस्तान गी थहोने आले पानी पर रोक लग्गोग।

<><><><><><><><>